



Broj: 01/14-02-1601/24-1  
Sarajevo, 24.07.2024.g.

Primljeno: 24-07-2024			
Org. jed.	Broj	Priloga	Vrijednost

## PREDSTAVNIČKI DOM PARLAMENTA FEDERACIJE BiH

Dana 24.07.2024. godine održana je 22. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovalo je **sedam članova**, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### DNEVNI RED

- Prijedlog Programa rada Predstavničkog doma Parlamenta Federacije BiH za 2024. godinu,
- Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić
- Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug,
- a) Kvartalni izvještaj o dugu Q2/2023,  
b) Kvartalni izvještaj o dugu Q3/2023,  
c) Kvartalni izvještaj o dugu Q4/2023,
- Godišnji plan zaduživanja za 2024. godinu,
- Zahtjev predstavnika Udruženja građana “Tuzlanski akademski klub” Tuzla, broj: 01/14-02-1524/24, od dana 01.07.2024. godine,
- Inicijativa za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Predstavničkom domu Parlamenta Federacije Bosne i Hercegovine,
- Zahtjev, potpisan od grupe zastupnika Predstavničkog doma Parlamenta FBiH, za sazivanje tematske sjednice na temu: “Izazovi i potencijali tržišta vrijednosnim papirima u Federaciji BiH”.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:



## IZVJEŠTAJ

### Ad-1

#### **Prijedlog Programa rada Predstavničkog doma Parlamenta Federacije BiH ZA 2024. godinu**

Uvodno izlaganje dao je ovlašteni predlagač ispred Predstavničkog doma Parlamenta Federacije BiH, nakon čega je Odbor obavio diskusiju i jednoglasno donio sljedeći

#### **ZAKLJUČAK**

Odbor za ekonomsku i finansijsku politiku podržava Prijedlog Programa rada Predstavničkog doma Parlamenta Federacije BiH i predlaže da ide u daljnju parlamentarnu proceduru.

### Ad-2

#### **Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić**

Nakon što je predstavnik Federalnog ministarstva finansija upoznao Odbor sa dostavljenim Prijedlogom Odluke, Odbor je pristupio glasanju i jednoglasno donio sljedeći

#### **ZAKLJUČAK**

Odbor za ekonomsku i finansijsku politiku podržava Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić i predlaže da ide u daljnju parlamentarnu proceduru.

### Ad-3

#### **Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug**



---

Predstavnici Federalnog ministarstva prometa i komunikacija i JP Autoceste Federacije BiH su upoznali Odbor sa dostavljenim Prijedlogom Odluke, nakon čega je Odbor obavio diskusiju i jedoglasno donio sljedeći

### ZAKLJUČAK

Odbor za ekonomsku i finansijsku politiku podržava Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug i predlaže da ide u daljnju parlamentarnu proceduru.

#### Ad-4

- a) **Kvartalni izvještaj o dugu Q2/2023**
- b) **Kvartalni izvještaj o dugu Q3/2023**
- c) **Kvartalni izvještaj o dugu Q4/2023**

Nakon uvodnog izlaganja predstavnika Federalnog ministarstva finansija, Odbor je obavio diskusiju i jednoglasno donio sljedeći

### ZAKLJUČAK

Odbor za ekonomsku i finansijsku politiku prihvata dostavljene Kvartalne izvještaje o dugu: Q2/2023, Q3/2023 i Q4/2023 i predlaže da idu u daljnju parlamentarnu proceduru.

#### Ad-5

#### **Godišnji plan zaduživanja za 2024. godinu**

Predstavnik Federalnog ministarstva finansija upoznao je Odbor sa Godišnjim planom zaduživanja za 2024. godinu, Odbor je obavio diskusiju i jednoglasno donio sljedeći

### ZAKLJUČAK

Odbor za ekonomsku i finansijsku politiku je razmotrio Godišnji plan zaduživanja za 2024. godinu i predlaže da ide u daljnju parlamentarnu proceduru.



**Ad – 6**

**Zahtjev predstavnika Udruženja građana “Tuzlanski akademski klub” Tuzla,  
broj: 01/14-02-1524/24, od dana 01.07.2024. godine**

Ovu tačku dnevnog reda zajedno su razmotrili Odbor za ekonomsku i finansijsku politiku i Odbor za promet i komunikacije.

Uvodno izlaganje dali su predstavnici podnosioca Inicijative Tuzlanski akademski klub Tuzla, Kantonalna privredna komora Tuzla, Udruženje poslodavaca FBiH - Grupacija poslodavaca Tuzlanskog kantona, te su vrlo detaljno upoznali prisutne članove Odbora sa zaključcima javne tribine na temu „Putna izolacija Tuzle i Tuzlanskog kantona, dokle ćemo biti crna rupa?“ održane 30.05.2024. godine u organizaciji Tuzlanskog akademskog kluba, kao i zaključcima „Konferencije o stanju i perspektivama ekonomskog infrastrukturnog razvoja Tuzlanskog kantona“, koja je održana 10. i 11. juna 2023. godine u organizaciji Kantonalne privredne komore Tuzla i Udruženja poslodavaca FBiH - Grupacija poslodavaca Tuzlanskog kantona. U diskusiji koja je uslijedila učestvovali su prisutni članovi oba odbora.

Nakon uvodnog izlaganja i obavljenje diskusije, Odbor za ekonomsku i finansijsku politiku je pristupio glasanju i jednoglasno donio sljedeće **zaključke**:

1. Odbor za ekonomsku i finansijsku politiku podržava Inicijativu predstavnika Udruženja građana “Tuzlanski akademski klub” Tuzla, broj: 01/14-02-1524/24, od dana 01.07.2024. godine.
2. Odbor za ekonomsku i finansijsku politiku traži od Vlade Federacije BiH potpunu Informaciju o stanju putne infrastrukture u Federaciji BiH sa posebnim fokusom na Tuzlanski kanton.
3. Odbor za ekonomsku i finansijsku politiku traži od predsjedavajućeg Predstavničkog doma Parlamenta Federacije BiH gosp. Dragana Miokovića da kao tačku dnevnog reda na redovnoj sjednici Predstavničkog doma uvrsti i tačku u vezi Putne infrastrukture i saobraćajne deblokade Tuzlanskog kantona, najkasnije do kraja oktobra tekuće godine.
4. Odbor za ekonomsku i finansijsku politiku traži od Vlade Federacije BiH da dostavi Informaciju o utrošku finansijskih sredstava i planiranog utroška finansijskih sredstava za put Tuzla – Sarajevo.
5. Odbor za ekonomsku i finansijsku politiku poziva Vladu Federacije BiH, Vladu Tuzlanskog kantona, nadležna ministarstva, JP Autoceste Federacije BiH, općine i



gradove da ubrzaju i pripreme prostorno - plansku dokumentaciju za unaprijeđenje saobraćajne infrastrukture na području Tuzlanskog kantona.

Ad – 7

**Inicijativa za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Predstavničkom domu Parlamenta Federacije Bosne i Hercegovine**

Uvodno izlagaje dali su podnosioci Inicijative za izmjenu i dopunu Zakona o porezu na dohodak Federacije Bosne i Hercegovine Aner Žuljević i Lana Prlić, zastupnici u Predstavničkom domu Parlamenta Federacije Bosne i Hercegovine, nakon čega je Odbor obavio diskusiju i jednoglasno donio sljedeći

**ZAKLJUČAK**

Odbor podržava Inicijativu za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Predstavničkom domu Parlamenta Federacije Bosne i Hercegovine, te predlaže Vladi Federacije BiH da u parlamentarnu proceduru dostavi traženu Izmjenu i dopunu Zakona o porezu na dohodak Federacije BiH.

Ad-8

**Zahtjev, potpisan od grupe zastupnika Predstavničkog doma Parlamenta FBiH, za sazivanje tematske sjednice na temu: "Izazovi i potencijali tržišta vrijednosnim papirima u Federaciji BiH"**

Predsjednik Odbora gosp. Admir Čavalić je upoznao prisutne članove Odbora sa Zahtjevom za sazivanje tematske sjednice na temu: "Izazovi i potencijali tržišta vrijednosnim papirima u Federaciji BiH", potpisan od grupe zastupnika Predstavničkog doma Parlamenta FBiH, a koji je predsjedavajući Predstavničkog doma dostavio na Odbor dana 27.06.2024. godine. Također predsjednik Odbora je podsjetio članove Odbora da je jedan od usvojenih zaključaka na 6. sjednici Odbora, održanoj 20.07.2023. godine bilo i traženje i organiziranje tematske sjednice o ovoj temi.

Nako uvodnog izlaganja, Odbor je obavio diskusiju tokom koje su pojedini članovi Odbora iznijeli svoja mišljenja, prijedloge i sugestije, te na kraju Odbor je jednoglasno donio sljedeći



## ZAKLJUČAK

Odbor za ekonomsku i finansijsku politiku Predstavničkog doma u potpunosti podržava Zahtev za organiziranje Tematske sjednice na temu: "Izazovi i potencijali tržišta vrijednosnim papirima u Federaciji BiH" i traži od zaduženih relevantnih institucija, odnosno od Federalnog ministarstva finansija, Odbora za ekonomsku i razvojnu politiku, finansije i budžet Doma naroda da se u što kraćem roku pristupi pripremi materijala za ovu sjednicu u saradnji sa ovim Odborom koji je zadužen da bude nosilac procesa pripreme tematske sjednice.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

  
Admir Čavalić